

07/08/2001

Isu Sabah tidak akan dibincang

LUMUT, Isnin - Datuk Seri Dr Mahathir Mohamad menyatakan isu Sabah yang didakwa Filipina sebagai sebahagian dari negara mereka tidak akan dibangkitkan dalam perbincangan dua hala dengan Pesiden Gloria Macapagal Arroyo, di Kuala Lumpur esok.

Perdana Menteri berkata, isu Sabah tidak termasuk dalam agenda pertemuan kedua-dua ketua negara itu.

"Tak tahulah, kita tak ada masuk agenda itu. Itu bukan isu sebenarnya," katanya.

Esok, Arroyo, dijangka menemui Dr Mahathir, sempena lawatan rasminya ke negara ini.

Beliau berkata, antara agenda yang akan dibincangkan dalam pertemuan esok membabitkan hubungan dua hala kedua-dua negara dan fungsi Malaysia dalam membantu menyelesaikan masalah di selatan Filipina.

"Hubungan dua hala, peranan kita dalam menolong menyelesaikan masalah di Selatan Filipina, Kawasan Pertumbuhan Asia Timur-Brunei Indonesia Malaysia Filipina (BIMP-EAGA), macam-macam lagilah yang dia berminat," katanya.

(END)